



Kommuneqarfik Sermersooq  
Att. Sanarfinermut Avatangiisinullu Ingerlatsivik  
Postboks 1005  
3900 Nuuk

## Tusarniaaffigineqarneranut akissut

### Pilersaarummut qinnuteqaat Qullilerfik

Ulloq: 30-10-2019  
Suliap nr. 2019 - 19321  
All. Nr. 12038597  
J.nr.: 26.32

Kommuneqarfik Sermersuup piffissami ulloq 4. septemberimiit 30. oktoberimut 2019-imi pilersaarummut qinnuteqaat Qullilerfik tamanut ammasumik tusarniaassutigalugu nassiuppa. Matumuuna Aningaasaqarnermut Naalakkersuisoqarfik sinnerlugu tusarniaanermut akissut nassiunneqarpoq.

Postboks 1037  
3900 Nuuk  
Oqarasuaat (+299) 34 50 00  
Fax (+299) 34 63 50  
E-mail: landsplan@nanoq.gl  
www.naalakkersuitsut.gl

Oqaatigineqassaaq pilersaarummut qinnuteqaatip tamanut ammasumik tusarniaassutigineqarnerani Kommunalbestyrelsip saqqummiussimangimmagu piumasaqaatit kinaassusersiunngitsut piviusorsioertullu suut "pilersaarummi pitsaanerpaamik" toqqaanissamut atatillugu pingaernerutinniarneqarnerisut, takuuk § 45 a, imm. 3. Taamaammatt naalakkersuisoqarfimmi naliliivugut pilersaarutinik siunnersuutaajunnartunik allanik toqqaanissamut atatillugu tamanna ajornartorsiutaasinnaasoq, tassami kommunalbestyrelsip tungaaniit suut pingaernerpaatinneqarnerisut piumasaqaasiortoqarsimangimmat.

Piumasaqaatinik kinaassusersiunngitsunik piviusorsioertunillu aalajangersaasoqarsimatinnagu ernummatigineqarsinnaavoq pilersaarummut siunnersuut siulleq allatut pilersaarummut siunnersuummit allamit pingaernerisutut nalilerneqassasoq, tassami tiguneqartoq siulleq taamaalilluni pissusissamisoorutut nalilerneqarsinnaammat. Taamaalilluni ernummatigineqarsinnaavoq allatut pilersaarummut siunnersuut qinnuteqaateqartup siulliup pilersaarutaasulli nalileruminaassinnaammat, takuuk § 45 a imm. 4. Naalakkersuisoqarfimmiit oqaatigineqassaaq Kommunalbestyrelsip matuma kingornatigut tamanut ammasumik saqqummiussinerini erseqqissumik saqqummiuttariaqartassamagu piumasaqaatit kinaassusersiornertaqanngitsut piviusorsioertullu suut sanaartugassatut pilersaarutinik toqqaanermut tunngavigineqartassanersut.

NIN-imi ujaasinikkut paasineqarsinnaavoq pilersaarummut qinnuteqaatip sumiiffissaa nunaminertanik tunniussaareersut pingasut qaavannut inissinneqarsimasoq. Pilersaarutip piviusunngortinnissaanut atatillugu tamanna ajornartorsiutitaqassaaq, tassami nunaminertanik pisortat ingerlatsiviata oqartussaasup siusinnerusukkut nunaminertamik atugassanngortitsinermik nalunaarutaareersoq atorunnaarsinnaanngimmagu taamaallaat kingusinnerusukkut pilersaarummut tunngavissiisimaneq innersuussutigalugu. Nunaminertanik atugassanngortitsineroreersut atuuttussaapput taamaallaallu utertinneqarsinnaallutik atuisinnaatitaaneq atorineqarsimatinnagu, tamakkununga killissarititaq (§ 46, imm. 2) takuuk. Taamaammatt pilersaarummut tunngavigineqartup pilersaarummut atatillugu suliarineqartup atuisinnaatitaanerup arsaarinnissutigineqarnissaanut immikkut inatsisitigut tunngavissaq imarisariaqarppaa, takuuk § 51.

Taamatuttaaq pissusissamisuussaaq oqaatigissallugu nunaminertamik inniminniineq qinnuteqaateqartumut nunaminertamik pineqartumik atuisinnaatitsilersaanngimmat paarlattuanilli qinnuteqaateqartup taamatut atuisinnaatitaaneranut salliuittisinnaalersarluni, tamatuma kingornatigut pilersaarummut siunnersuut inatsimmi §§ 24 aamma 25 malillugit kommunalbestyrelsimiit akuersissutigineqassappat, takukkit

pilersaarusiortarnermut inatsimmi kingusinnerusukkut allannguutitalimmi § 45 a, imm. 5-  
imut oqaaseqaatit.

Pilersaarutissamut siunnersuut pillugu atortussani, kusanaqisunilumi, nassiunneqarsimasuni tunngavilersuuteqarpoq pilersaarutikkut illoqarfik Nuuk ilaalumi tassaniittoq nutaamik nalitunerulersinneqarsinnaassasoq. Ilaatigut pilersaarummi allaaserineqarsimavoq nuummiunut aqqusineeraliortoqarsinnaasoq, tassani nuummiut qaqqamut aqquserneqarsinnaallutik. Taamaaliornissaq inissialiassanut naleqqutinngitsutut isumaqarfiginarpoq taamaammallu inissiat ataasiakkaat eqqaanni illersuusiortoqartariaqassaaq. Illoqarfimmik ilusiliineq kalaalerpalaarpallaanngitsortaaq Kommuneqarfik Sermersuup illulioriaatsimut politikianut toqqaannartumik akerliusoq, tassanimi anguniagaammat "illuliat nutaat illoqarfiullu inissaqarfia oqaluttuarisaanitsinnut iluaqusiiniarnermik tunngaveqassasoq" (q. 15).

Kisiannili naalackersuisoqarfimmut immikkut ersernerluppoq pilersaarummut atortussat malillugit taamatut tunngavilersuineq ilumut upperineqassanersoq: Eqqornerussaaq imatut paasigaanni pilersaarut inissialiortiternermik aningaasaliinissamik tunngaviatigut pissuteqarnerusoq, tassani ikittuinnaat soqutigisaat, tamat ataatsimoorlutik soqutigisaat kommunip ulluinnarni ingerlatsinermini sulissutigisai pinnagit, aalajangiisuullutik.

Taamatut isiginneriaaseqassagaanni Naalackersuisoqarfiup apeqquuserusussinnaavaa Qullilerfik tamakkerlugu pilersaarummut siunnersuuteqarfigissallugu tunngaviatigut tulluurtuussanersoq. Pissusiviusutigit pineqarnerugunarpoq illoqarfiup nutarterneqarnissaanut pilersaarut pilersaarummut siunnersuutitut isigissallugu tulluanngitsoq. Kommunip tungaaniit eqqarsaatersuutigineqartariaqarpoq nunaminertat ullumikkut kommunimut pilersaarummi sanaartorfiusussaannngitsutut atugassanngortitaasut siunissami namminerisanik inissialiassanut siunertanut atugassanngortinneqartassanersut. Ilumut taamaattoqarnissaa kissaatigineqarsimassappat kommunimit eqqarsaatigineqartariaqarpoq taarsiullugu kommunimut pilersaarummut tapiliussamik suliaqartoqassanersoq.

Inerneriumaagassaa qanorluunniit pisoqassagaluarpat ataatsimut isigalugu arlalinnik pissuteqartumik ajornartorsiutitaqassaaq:

- 1) Ajornartorsiutitaqassaaq tulluannngilluinnarlunilumi allatut pilersaarummut siunnersuutaajunnartut pillugit tamanut tusarniaasoqassappat tassami pilersaarummut aningaasaliisussaaq tamaani nunaminertamat pineqartumut piginnaatitaaffeqaleriissammat taamaammallu allatut pilersaarummut siunnersuutaasinnaasunut "mattussisinnaalluni".
- 2) Isumaqarnarpoq inissiaqarfiup tamanullu ammasumik tamaanga kommunip isumaqatigiinniuteqarfigisinnaasimasaanut aqqusineerassap akornanni naapertuutinngitsoqassasoq.
- 3) Pilersaarusiortifigineqartoq illoqarpallaalersussaavortaaq nunaminertarlu ullumikkut illuliorfigineqarsimannngitsoq atuiffigilersussaallugu, tamatuma kingunerissallugu pilersaarutigineqartoq illoqarfimmut tunniussinnaasaminit atuiffiunerussasoq.

Pisarnertut kommunimut pilersaarummut tapiliussap atorneqarneratigut tamaanilu maannakkut nunaminertamik atuisinnaatitaanerit saniatigut illut marluk/pingasut assersuutigalugu akueralugit pilersaarummi inissaqarnerulersitsineq isikkiveqarnerulersitsinerlu qulakkeerneqassapput inissialiassallu nutaat naliliinerput malillugu avatangiisinut tulluarnersuullutik. Peqatigitillugu ajornartorsiutaajunnartut siuliini allasimasut arlallit aaqinneqassapput kommunillu illoqarfiup qeqqani pinngortitap qaqqajunnallu atorneqannginnissaannik maannakkut kissaatigisaasa akornanni ataqatigiissitsisoqarluni, illuliat nutaat akornanni silaannaqarnerulersitsisumik taamatullu maannakkut nunaminertanik atuisinnaatitaaffinni nunaminertanik atuisinnaatitaasut/aningaasaliisut inissianik nutaanik sanaartorusunnerat malinneqarluni.

Inussiarnersumik inuulluaqqusillunga  
Med venlig hilsen

Pernille Christine Salomonsen  
Toqq/direkte 34 67 14  
pecs@nanoq.gl